

# *Årsmelding for Ålhus sokneråd 2024*



## Ålhus sokneråd oktober 2023 - oktober 2027

### Medlemer:

Annette Svidal Slåtten  
Solveig Magnhild Steenslid Lesto  
Ingeborg Bråttvik Slåtten  
Bernt Kjøsnes  
Inger Johanne Klakegg  
Ingvill Marie Støfringstøl

### Varamedlemer

Magne Kristian Kvinge  
Børge Gjesdal  
Eva Solveig Sunde  
Alice Nesje

Sokneprest Silje Sørebo til 01.09.24  
fung.sokneprest Geir Sørebo frå 01.09.24

Leiar:  
Nestleiar:

Annette Svidal Slåtten  
Solveig Magnhild S. Lesto

Medlemmar til Sunnfjord kyrkjelege fellestråd:

Ålhus sokn :Bernt Kjøsnes  
vara: Inger Johanne Klakegg  
Helgheim sokn: Steinar  
Dvergsdal  
vara: Hildegunn Huus

Vassenden kyrkjesenter:

Magne Kristian Kvinge  
Vara: Børge Gjesdal  
Sverre Gjesdal

### **Rådet sitt arbeid**

- Jubileumsfeiringa for Landslova etter Magnus Lagabøte
- Utlysing av prestestilling
- Kyrkjelydpedagogstilling
- Klokkarteneste i Ålhus sokn
- Kulturelle arrangement; "Ikkje med makt", ei forteljarkveld i Ålhus kyrkje, konsertar i forbinding med landslovjubileum.
- Festivalgudsteneste i samband med KFUK-KFUM sitt vintertreff for ungdom, .
- Samarbeid med Vassenden kyrkjesenter
- Arbeid og aktivitet i VaBa-klubben.
- Kyrkjeyoga

Faste saker kvart år: Årsmelding, rekneskap, budsjett, møte- og gudstenesteplanar, offertildeling, fasteaksjon, kyrkjelydstur, konfirmantfest, 50- årskonfirmantjubileum, juletreff, søknadar om støtte, løyvingar m.m.

Årsmøte i 2024 (23.mars) var i Vassenden kyrkjesenter. Eksemplar vart lagt ut i begge kyrkjene og i tillegg digitalt.

## **Arbeid i soknet    Gudstenester og tidebøner**

Det har vore ca. ei gudsteneste i månaden på Vassenden kyrkjesenter og ei gudsteneste i månaden i Ålhus kyrkje. Vi har mange ulike typar gudstenester, både i kyrkja, ved grendahus og ute. Det gler oss å sjå at gjennomsnittsfammøte stig jamt oppover etter koronaåra. Like gledeleg er det at offer også stig. Vi ser at på landsbasis går offringane ned, men i Ålhus sokn går det oppover.

Julaftangudsteneste og konfirmasjonsgudsteneste vart halde med 348 frammøtte på julaftan og 578 frammøtte på konfirmasjonsgudstenester (.På Vassenden og i Ålhus).

Soknerådsmedlemmer stiller som kyrkjevert på gudstenestene. Dei har pynta alteret med blomar, har delt ut salmebøker til dei vaksne og teiknesaker til borna. Etter dei aller fleste gudstenestene både i Ålhus og på Vassenden kyrkjesenter har det vore kyrkjekaffi. Konfirmantar, konfirmantforeldre og soknerådsmedlemmer har stått for kakebaking og servering.

Klokkarane har ei viktig oppgåve under gudstenesta. Klokkartenesta har vore godt utført av frivillige og soknerådsmedlemmer.

Ved dåpsgudstenester har fadrane delteke aktivt i gudstenestene, bl.a. med skriftlesing. Jølster har gode musikk- og songkrefter, og dei har vore nytta både i gudstenestene og i eigne arrangement (sjå kyrkjemusikalsk arbeid).

Konfirmantane er medhjelparar ved gudsteneste i løpet av konfirmanttida. Dei deltek blant anna i evangleieprosesjon og eventuelt ved forbøna eller nattverdsutdeling og hjelper kyrkjevertane

Av gudstenester med spesielt inviterte, eller med litt annleis preg, kan nemnast:

- Familiegudstenester i samband med trusopplæringstiltak (sjå nedanfor under trusopplæring)
- På hellige tre kongers dag: Forteljingsgudsteneste «Den fjerde Vismann»
- I fastetida var det bibeltimar og kvardagsgudstenester i ulike kyrkjer i Sunnfjord som eit samarbeid mellom kyrkjelydane i kommunen. På Vassenden var dette ein tysdag i mars med bibeltime av Rigmor Frøyen og påfølgande gospelkveld.
- Når det gjeld påskekudstenestene kan det nemnast at langfredagsgudstenesta var som året før laga som ei vandring på kyrkjegarden. Songkveld 2. påskedag, vart også dette året gjort til ei påkesamling for store og små, med deltaking frå VaBa-klubb/barnegospel og med påskeeggjakt (sponsa med egg frå Spar Jølstraholmen). Borna fekk måle påskeegg.
- Vi hadde 17. mai gudsteneste både i Ålhus kyrkje og Vassenden kyrkjesenter. Nokre jenter frå barnegospel song på Vassenden. Det var ca. 42 frammøtte i Ålhus og ca. 49 frammøtte på Vassenden.
- Samtalegudstenesta for konfirmantane i Ålhus sokn og Helgheim sokn er lagt fast til Vassenden kyrkjesenter. Like etter gudstenesta lagar sokneråda til fest for konfirmantane.

- Utegudsteneste i Sandalen med markering av skaparverkets dag i juni - olsokgudsteneste i Movika i samarbeid med Førde.
- «Song mot haust» gudsteneste i august der bebuarar på omsorgsenter og omsorgsboliger var invitert. Jølstrabelgen deltok og Silje vart takka av som sokneprest. Bra frammøte, men ikkje så mange frå omsorgsenteret på Skei kom (det var fleire frå Vassenden). Kanskje trengs det ein betre kontakt i forkant med omsorgsenter? Anna tidspunkt enn kl.15 som er betre?
- Gudsteneste med konfirmantpresentasjon konfirmantar i Ålhus kyrkje og jubileum for 50 års konfirmantar.
- Jubileumsgudsteneste i høve Landslovsjubileumet i fullsatt Ålhus kyrkje med prost Knut Magne og mange andre aktørar.
- Gudsteneste i høve Jazz på Jølst var på Vassenden kyrkjesenter (samarbeid mellom Ålhus og Helgheim sokn) Vi hadde gode musikalske krefter på besøk. Her stilte Anita Nordheim opp med solosong- og flott saksofonspel saman med pianist Harald Dahlstrøm
- Minnegudsteneste på Helgemessesundag med invitasjon til pårørande til dei som har vore gravlagd sidan sist helgemesse. For første gong hadde vi ei felles minnegudsteneste for heile Jølster. Dette året var den lagt til Helgheim kyrkje. Det var 74 frammøtte.
- Gudsteneste før jul for Vassenden skule på Vassenden kyrkjesenter, med 240 frammøtte og gode innslag frå skuleelevar.

Elles kan det nemnast at det har vore opa kyrkje og tidebøn på Vassenden kyrkjesenter kvar tysdag (utanom sommarferien). Tidebøna har vore kl. 11, med ein kort liturgi ( gjerne bønner som vert lesne som veksellesing og lesing frå Bibelen) og orgelmusikk. Det har vore lest frå Lukasevangeliet. Vi har også hatt kaffi/te med noko attåt i etterkant av tidebøna, med fast innslag av diktlesing frå Anne Helene Eide. I snitt er det ca. 15 frammøtte på tidebøn.





## Kyrkjemusikalsk arbeid

I mars var det Gospelkveld i Vassenden kyrkjesenter. Vi var denne gongen heldig å få besøk av Ten Sing frå Førde. Dei hadde innslag til start, midt i og til Postludium. Kjekt med ungdommeleg frisk song og engasjement. Songane var denne gongen utvida til internasjonale salmar, i tillegg til Gospel- og Spirtiruals. Folk frå heile Sunnfjord fekk med seg denne songsamlinga.

Søndag 17. november var det også Gospelkveld i Helgheim. Her var konfirmant/songelev Aksel Roko Eide med og hadde eige innslag. Ei korgruppe hadde førebudd og øvd på dei ulike songane som mest var frå Gospel- og Spiritual-tradisjonen. Carsten Langeland hadde innslag med saksofonspel knytta til andakten og som intro til ein av songane.

I konfirmasjonane i mai var det innslag av solist og ekstra musikk. Som før stilte Cathrin Hjelle Søvde og Anne Turid Taklo velvillig på, saman med organisten. Konfirmantforelder Tor Ivar Flatjord var med å utvikle det musikalske mangfaldet, då han spelte gitar ved fleire innslag i konfirmasjonen i Helgheim. Dette gjer vi gjerne ved fleire høve.

Konfirmantane stilte opp med korsong. Flott at dei gjer det på denne spesielle dagen i livet!

Jølster Barnegospel hadde sin vårkonsert på Skei misjonshus den 30.mai. Mykje fin song og songglede.

I september var det jubileum for landslova etter Magnus Lagabøte på Ålhus. Mykje program der song og musikk var ein viktig del. I anledning dette vart gode mannsongkrefter frå heile Jølster hyra inn som munkekor. Mykje øving, men med godt resultat. Kyrkjekonserten i Ålhus laurdagen, og på jubileumsgudstenesta i Ålhus søndagen var lokale songarar med. Mellom dei Jølster barnegospel med sin dirigent Gerd Sunde Førde. Dei song m.a. på Latin! - med Magnus-hymnen frå 1200-talet.

I oktober i høve «Jazz på Jølst» der gudstenesta dette året var lagt til Vassenden, fekk vi gode musikalske krefter på besøk. Her stilte Anita Nordheim opp med solosong- og flott saksofonspel saman med pianist Harald Dahlstrøm. Det svinga godt i gudstenesta då alle gode songkrefter lot seg rive med i musikken. Same søndagen, den 13. oktober var det avslutningskonsert i høve jazzhelga, med Iver Kleive og Knut Reiersrud i Helgheim kyrkje, på ettermiddagstid. Ei velstappa kyrkje med publikum frå fjern og nær fekk ei musikalsk oppleving av dei sjeldne. Orgelet i Helgheim var i denne anledninga forsterka med mikrofonar, og fekk med det ein ekstra Boost – som Iver Kleive uttrykte det. Han var godt nøgd med orgelet og tykte det var presist, og at det høva godt til programmet med Reiersrud.

I desember var det også fleire konsertar i kyrkjene, med tilreisande og lokale aktørar. Fleire av dei har gjort det til tradisjon å ha konsert i Jølster i adventstida. Torsdag 5. desember i Skei misjonshus var det invitert til konsert med Jølster barnegospel. Dei song det meste av repertoaret dei har øvd på i haust, inklusiv nokre advent- og julesongar. Alt leia og bunde saman av Gerd Sunde Førde, og med Rune Molvik på piano.

Siste søndagen før jul, den 22. desember var det tid for den tradisjonelle julekonserten for heile Jølster. Nytt i år var deltaking av Skei skulemusikk. Vi gler oss over at dei er ein del av musikklivet i Jølster! SkeiVass-koret stod som arrangør, der dei deltok med to avdelingar. Stardalen Mannskor song to songar saman med organisten på orgel frå galleriet. Det var også allsong og solistinnslag. Dette var ei fin markering rett før julehøgtida stod for døra.

Den 11. desember, var nokre frå Jølster Barnegospel med på konsert i Førde. Dei song til to julesongar saman med artisten Alexandra Rotan på Larris scene. Eit flott oppdrag for dei unge.

Til jul kunne folk gå på Spotify og høyre lokale aktørar. Sevrine Søgnesand har sunge inn to songar, og lagt dei ut på Spotify. Far til Sevrine, Ragnvald Søgnesand, har stått for lydopptaket av dette. Vi høyrer Jølster Musikklag og orgelet i Helgheim kyrkje med organist Rune Molvik. Songane er «Mitt hjerte alltid vanker» og «Den tapte akkord».



### **Anna arbeid/ andre arrangement i regi av soknet**

- Kirkens nødhjelps fasteaksjon i april vart gjennomført som dør til dør aksjon.
- Andakter/Songstunder på Vassenden omsorgssenter med kaffi og prat. Kvar fyrste og tredje tysdag i månaden (men berre ein gong i månaden på hausten pga. av mangel på fast prest). Det er vikarprest Reidar Knapstad, Rigmor Frøyen (sokneprest i Naustdal) og sokneprest i Jølster som har bytte på å ha andakter/songstunder. Kvar gong er kantor med.
- 4.klassingane på Vassenden fekk besøk av kyrkjelydspedagog frå Førde som underviste i «bibelsporet», bibelforteljingar frå GT og NT.
- Før påske var det tilbod om påskevandringar i kyrkja til Vassenden: Mange av klassene på barneskulen nytta seg av dette.

- Frå påske til pinse var det ei påskevandring utstilt ved Ålhus kyrkje med bibeltekster og kunstbilete.
- Kyrkjebesøk for 1. klasse på Vassenden skule i juni med fokus på kyrkjerommet og kva det brukast til.
- Sokneråda i Jølster arrangerte kyrkjelydstur til Gulatinget og Eivindvik kyrkje i høve jubileum for kristenretten og landslova. Takk til Steinar Dvergsdal som hadde initiativet og Astrid og Vidar Feldt som var turleiarar.
- kulturarrangement i samarbeid med Jølster litterære folkeakademi i august: «Ikkje ved sverd» forteljingar frå norsk middelalder ved Anne Kristin og Svein Aasmundtveit.
- I samband med den store landslovsfesten på Ålhus, var kyrkja i Jølster medarrangør. Det var mange fine arrangement som gjekk for fulle hus. Blant anna to kyrkjekonsertar: «Draumkvedet» og «Landet du gav oss».
- Soknepresten hadde undervisning i alle klassane på Vassenden skule om middelalderhistorie; kristninga av Norge, kristenretten og landslova.
- Soknerådet har tatt initiativ til kyrkjeyoga på Vassenden kyrkjesenter. Vi prøvde dette to gonger i desember og ein gong i januar 2025. Det var ca. 20 frammøtte. Alice Mo Sandøy stilte som yogainstruktør på frivillig basis og yogatimen var ramma inn av tekster/bøner og songer frå kristen tradisjon. Tilbodet vart godt mottatt av dei som kom. Soknerådet håpar det vil bli anledning å ha dette fleire gonger.
- Julevandring for Ålhus-, Langhaugane- og Vassenden barnehage før jul i Ålhus kyrkje. Prest var på besøk i barnehagane i forkant av vandrainga.
- Juletefest på Vassenden kyrkjesenter med ca. 100 frammøtte. Festen var som i fjor gratis. Soknerådet arrangerte ilag med bibelgruppa og kyrkjesenteret.  
Eit flott arrangement med god deltaking og mange frivillige i sving.
- Ålhus har misjonsprosjekt gjennom Stefanusalliansen i Egypt (Stefanusbarna og Anafora). Her støttar vi blant anna barnehagar og skuler i slummen i Egypt og utdanning og kurs for ungdom.
- Ålhus sokn er Grøn kyrkjelyd. Som kyrkje er vi kalla til å vere gode forvaltarar av skaparverket, noko som i vår kyrkjelyd m.a. kjem til uttrykk ved at:  
Vi markerer Skaparverkets dag og andre gudstenester i undring og takksemnd over skaparverket.  
Vi sorterar avfall.  
Vi brukar mindre mengde papir ved gjenbruk av programhefte/ powerpoint  
Vi deltek i fasteaksjonen til KN.  
Vi har eit grønt misjonsprosjekt.  
Vi går på pilgrimsvandring med konfirmantar og har engasjement for skaparverket som eit tema på Lys Vaken.



## Arrangement i regi av andre

Fleire konsertar av ulike kor og orkester, både på Vassenden kyrkjesenter og Ålhus kyrkje

Der ingen skulle tru at nokon kunne bu, med av Oddgeir Bruaset.

Jølster Musikklag

Konsert "Songar" av Jon Fosse, framført av songar og gitarist Klaus Vatne  
Draumekvede



## Trusopplæring / Barne-og Ungdomsarbeid

### Kontinuerleg arbeid

Gerd Sunde Førde leiar barnegospel som er eit tilbod for 3. – 7 klasse. Rune Molvik akkompagnerer på piano. Dei har øvingar annakvar onsdag etter skuletid på kyrkjesenteret.

### **Soknerådet vil takke Gerd og Rune for flott innsats.**

Barnegospel på Vassenden har hatt 15 øvingar i løpet av året. I tillegg har vi hatt to fellesøvingar med Skei barnegospel. I mars song heile koret på basar på Skei misjonshus, og i april song koret på påskesamling på Vassenden kyrkjesenter. I mai heldt heile koret vårkonsert den 30.mai.

På hausten song heile koret under Landlovsjubileet i Ålhus kyrkje den 29.september, og koret hadde sin eigen julekonsert 5.desember. I tillegg deltok koret på Musikklaget sin julekonsert den 8.desember, og på Alexandre Rotan sin julekonsert på Larris scene i Førde 11.desember. Deretter tok koret ein vel fortent juleferie!

På våren-24 var det med 6 born frå Vassenden-området, på hausten var det 4 born.

Samla medlemmer frå Skei og Vassenden per desember 2024 var 15 born.

Annakvar veke har vi hatt VaBa-klubb (Vassenden barneklubb) på Vassenden kyrkjesenter med forteljning, song og hobbyaktivitet. Renate Kvammen, Mari Håland, Silje Sørebo, Erlend Os har gjennomført dette ilag. Det har vore i mellom 15 og 20 barn på samlingane. Ca. 35 har vore innom. Mange er 1.klassingar, men også ein del barnehagebarn og nokre eldre.

Konfirmantmedhjelparar har vore til god hjelp på samlingane.

## Tidsavgrensa tiltak

Takka vere eit aktivt trusopplæringsutval har vi dette året fått gjennomført alt av planlagde tiltak i trusopplæringsplanen. Alle born i alderen 0-11 år har fått ein invitasjon til minst eitt trusopplæringstilbod dette året.

Vi manglar tilbod til 12- og 13-åringane

Prest har gjennomført dåpssamtalar med alle dåpsforeldre. Alle døypte får dåpslys og dåpsplakat. Dåpsforeldre får ei fin dåpsminnebok som gåve frå kyrkjelyden. I kyrkja står det eit dåpstre, der vi heng opp ei lita tredue for kvart barn som blir døypt. Dette er ei påminning til kyrkjelyden om å be for barna, og dua vil seinare bli gitt tilbake til barnet.

Det var invitert til babysong på Vassenden kyrkjesenter både på våren og hausten. Oppmøte har vore varierende, men det er alltid nokon som kjem (ca. 6 i snitt) Erlend Os har spelt til mange av samlingane. Solveig Magnhild Lesto har stått for kaffi og mat ved babysong heile året. Ein stor takk til ho som har gjort dette i fleire år.

I starten av november inviterte vi alle 2- og 3 åringar i Jølster til 2- og 3 års-samling med dueslepp på Vassenden kyrkjesenter med drama om Berta og Bestemor og kveldssongar og bønner. Borna som endå ikkje hadde fått tilbake dua si, fekk hente denne no og alle fekk kvar sin sprelleengel med kveldsbønner på. Etter samlinga i kyrkjerommet var det lunsj og leik. Ei hyggeleg samling.

Samlingane for fireåringane i Jølster med utdeling av 4-årsbok hadde Helgheim og Ålhus kvar for seg. I Ålhus var det laurdagssamling på Vassenden kyrkjesenter og gudsteneste med bokutdeling på søndagen.

Alle 5-åringane i Jølster vart invitert til hausttakkefest på speidarplassen på Skei. Dei fekk utdelt matboksar med «O du som metter liten fugl» og plakat med ulike bordbønner. Etter gudstenesta var det utlodning til inntekt for speidaren og høve til å grille og gå natursti.

Gudstenestene med bokutdeling til 6 åringane hadde Helgheim og Ålhus kvar for seg. I Ålhus sokn hadde 6- åringane ei samling i forkant på Vassenden kyrkjesenter etter skuletid. Søndagen etter (1. søndag i advent) var det familiegudsteneste med bokutdeling i Ålhus kyrkje.

6- og 7-åringane fekk innbyding til juletreffest på Vassenden kyrkjesenter. Godt oppmøte frå 6 åringane, men ikkje så mange 2.klassingar.

Påskesamlingar for 8-åringar: Barna kom til samling etter skuletid på Vassenden kyrkjesenter og deretter palmesøndagsgudsteneste i Helgheim kyrkje med utdeling av Barnesalmeboka.

Tårnagenthelga for alle 9-åringar i Jølster er stasjonert i Helgheim kyrkje. Tårnet, kyrkjeklokkene og kyrkja sin bursdag er sentralt i opplegget som går over to dagar, laurdag og søndag.

Kode B: 10-åringane vart invitert til to kvardagssamlingar på Vassenden kyrkjesenter, og utdeling av «Actionbibelen» i familiegudsteneste i Ålhus kyrkje. Greitt oppmøte på samlingane, men få som møtte på sjølve gudstenesta.

Lys Vaken: 10- og 11-åringar frå heile Jølster vart invitert til Lys Vaken leir (frå laurdag kl.16 – til etter gudsteneste søndag) på Vassenden kyrkjesenter midt i november i samarbeid med speidargruppa. Ca 20 deltakarar. Speidarleiarar og trusopplæringsutval bidrog som leiarar i lag med russegruppe. Foreldre stilte opp

som kjøkkenhjelp og nattevakter. Barna bidrog i gudstenesta og hadde utlodning med gjenbruksgevinstar på kyrkjekaffien etter gudstenesta. Inntektene gjekk til kyrkjelydens misjonsprosjekt i Egypt

Soknepresten har hovudansvar for konfirmantane. Etter at Silje slutta som sokneprest i september, har bispedømmet hyra henne inn for å halde fram med konfirmantane i frávær av fast sokneprest. For konfirmantkullet som skulle konfirmerast i 2024 var det på våren klubbkveldar, konfirmantleir på Alværa i lag med konfirmant frå Naustdal, fasteaksjon, samtalegudsteneste og konfirmantfest og konfirmasjonar i begge kyrkjene. Dette kullet har også hatt eit tilbod etter konfirmanttida med konfirmantreuinon i juni i prestegardshagen på Ålhus i lag med Naustdal. Stort frammøte på dette. Vi prøvde å invitere til nyttårsleir for dette kullet på Alværa ilag med Naustdal og Førde. Det var i utgangspunktet mange påmeldte. Dessverre måtte vi likevel avlyste fordi mange av ungdommane meldte seg av like før.

I august (som i dei tre tidlegare åra), veka før skulestart, vart det arrangert introkurs for nye konfirmantar. På dette kurset hadde Silje med seg ungdomsprest i Sunnfjord, Fredrik Brattvik noko av tida og sommarvikar frå Danmark noko av tida . Konfirmantane frå Helgheim og Ålhus var samla på dagtid gjennom fire dagar. Dei var to dagar Vassenden kyrkjesenter, ein dag i Helgheim kyrkje og ein dag var dei på pilegrimsvandring frå Årdalen til Ålhus kyrkje. I løpet av hausten var konfirmantane inviterte til tre klubbkveldar på Vassenden kyrkjesenter. Ungdommar frå ei russegruppe har vore med som leiar i lag med Silje og foreldre har bidrege på kjøkkenet. Fjordårskonfirmantar har også vore innom. Det har vore leigd sal i hallen på Vassenden, slik at konfirmantane har vore der på starten nokre av kveldane. Så har dei etterpå gått til kyrkjesenteret for måltid, før ein har avslutta med samling i kyrkjerommet. I tillegg til klubbkveldane var konfirmantane i oktober på konfirmantfestival på Sande. Denne festivalen er i regi av prostiet/KFUK-KFUM og er ny av året.. Her møtte dei eit ungdomsteam frå bispedømmet («samantemet») og farmen presten Thor Haavik, og dei kunne delta i mange ulike aktivitetar og var med på globallop. Alle konfirmantane var også samla til lysmesse 1. søndag i advent i lag. Elles har konfirmantane vore medhjelparar ved gudstenester og ved barneklubb på Vassenden kyrkjesenter og på Skei misjonshus. No denne våren 2024 ventar m.a. fasteaksjon, klubbkveld i Naustdal og konfirmantleir på Alværa i lag med Naustdalkonfirmantane.

Vi har stort sett ganske god oppslutnad om trusopplæringstiltaka, men vi ser at tiltak som er felles for heile Jølster oftare har lågare oppmøte prosentvis.

Trusopplæringsutvalet, dei to kyrkjelydspedagone, soknerådsmedlemmer, prest, kantor, ungdommar frå russegruppe, føresette, besteforeldre og frivillige har teke del i trusopplæringsarbeidet og konfirmantarbeidet.

**Ein stor takk til alle som har bidrege, og spesielt til medlemmene i trusopplæringutvalet som har gjort ein stor innsats med å gjennomføre ulike tiltak.**

## Utval

Trusopplæringsutval :

Ingeborg Bråttvik Slåtten, Gry Ingjerd Øksendal, Rune Molvik,  
Gerd Førde Sunde og Silje Sørebo  
Kirkens Nødhjelp, kontaktperson: Alice Nesje.

## Informasjonsarbeid

«Det skjer» i Firda. Her legg vi inn gudstenester og annan aktivitet i Kyrkjene i Jølster. Eit lite utdrag kjem i papiravisa. Bruk Firda si nettside, »Det skjer» dersom du har den, » der står det alt vi skriv inn.

Vi må også bruke andre kanalar for å nå ut til folk med kva som skjer i kyrkjene, aktivt.

Hyrdingrøysta vil framleis vere ein viktig kanal, ilag med plakatar, nettside og facebookside. Ein annan link de kan bruke er: <https://skjerikirken.no/>  
Sekretær Toril /eller webansvarleg for Sunnfjordkyrkja Joy Taylor sørgjer for at nettsida kyrkja.no/jolster og kyrkja.no/sunnfjord er oppdatert.

Sekretær Toril og kyrkjelydspedagog Silje oppdaterer Facebookside (kyrkjene i jolster).

Sekretær lagar og heng opp plakatar på oppslagstavler.

Men det er også viktig at soknerådsmedlemmer og andre i kyrkjelydane er med å gjere arrangementa kjent og dele på facebook og andre aktuelle informasjonskanalar.

## Hyrdingrøysta


**Redaksjon:** Hildegunn Huus og Ingrid Søyland.

Soknerådet vil takke for godt utført arbeid. De gjer ein kjempejobb med å tenkja ut stoff, få villige personar til både å skrive og delta med ulike innslag.

Sunnfjord kyrkjelege fellesråd har teke over rekneskapen til Hyrdingrøysta.

Økonomien i bladet er bra. Framleis er det få i høve til kor mange som får bladet, som betalar frivillig kontingent. Soknerådet sine medlemmar køyrer rundt i grendene og legg bladet i postkassane. På denne måten er det spart nokre utgifter til porto. Dette tiltaket er med å sikre økonomien til bladet.

**Tusen takk denne viktige dugnaden.**



## Vassenden kyrkjesenter

Samarbeidet med Vassenden kyrkjesenter har fungert godt. Huset er svært praktisk både for barn, ungdom og voksne til dei ulike aktivitetane i kyrkjelyden. Og er såleis ein viktig møteplass. Foreininga Vassenden kyrkjesenter si oppgåve er å eige og drive kyrkjesenteret. Kyrkjesenteret skal fungere som arbeidskyrkje for heile Ålhus sokn, dekke gravferder for dei som soknar til Vassenden gravplass og lokalt dekke kyrkje- og misjonsarbeid for Vassenden-området. Kyrkjesenteret skal og vere ein god kontorarbeidsplass for kyrkjeleg tilsette i Jølster.

Foreininga Vassenden kyrkjesenter er open for alle som deltek i dugnadarbeid for å drive Vassenden kyrkjesenter. Medlemskap i foreininga er berre ope for medlemmer i Den norske kyrkja i Ålhus sokn og medlemmer i Vassenden Normisjon.

## Statistikk 2024

Ålhus sokn	2024	2023	2022	2021
Innmelde i kyrkja	0	1	1	1
Utmelde av kyrkja	5	2	6	1
Døyppte	17	15	15	22
Døyppte heimehøyrande i soknet	15	13	15	20
Vigde	5	7	5	2
Gravlagde	13	15	15	9
Konfirmerte	22	17	29	22
Tal gudstenester søn- og helgedagar	29	36	29	30
Tal gudstenester utanom søn-og helgedagar *	42	42	45	46
Deltakarar på gudstenester, søn-og helgedagar	2441	2215	2135	1996
Deltakarar på gudstenester, utanom søn-og helgedagar *	648	648	515	
Gudstenester med nattverd	14	22	18	6
Nattverdsgjester	446	576	315	97
Familiegudstenester	8	8	8	5
Deltakarar	637	731	818	262
Julevandring for barnehagane	1	1	1	0
Deltakarar	50	50	50	0
Skulegudsteneste	1	1	1	0
Deltakarar	240	354	350	0
Musikk gudstenester	1	2	2	3
Deltakarar	85	97	90	170
Offer / kollekt i kyrkja	78955	76418	62988	45385

\*Vi har tidebøner i kyrkja stort sett kvar veke, derfor vert antall gudstenester utanom søn-og helgedagar høgt



## Regneskap Ålhus sokn 2024

### Regneskap og notar Ålhus sokn 2024

Regnskapsskjema - Driftsregnskapet	Regnskap	Reg. budsjett	Oppr.budsjett	Regnskap i fj
<b>Inntekter</b>				
1 Brukerbetaling, salg, avgifter og leieinntekter	111 892	151 000	151 000	140 025
2 Salg av driftsmidler/fast eiendom	-	-	-	-
3 Refusjoner/overføringer	20 407	14 000	14 000	-
4 Kalk. inntekt ved komm. tj.ytingsavtale	-	-	-	-
5 Statlige tilskudd	-	-	-	-
6 Tilskudd fra rettssubjektet Den norske kirke	-	-	-	-
7 Rammeoverføring/tilskudd fra egen kommune	-	-	-	-
8 Tilskudd fra soknets organer	76 474	39 000	39 000	42 900
9 Andre tilskudd, gaver, innsamlede midler	124 163	111 313	111 313	123 364
<b>10 Sum driftsinntekter</b>	<b>332 936</b>	<b>315 313</b>	<b>315 313</b>	<b>306 289</b>
<b>Utgifter</b>				
11 Lønn og sosiale utgifter	-	-	-	-
12 Kjøp av varer og tjenester	250 597	231 600	231 600	228 993
13 Refusjoner/overføringer	-	18 500	18 500	18 181
14 Kalk. utg. ved komm. tj.ytingsavtale	-	-	-	-
15 Tilskudd og gaver	67 306	63 313	63 313	68 495
<b>16 Sum driftsutgifter:</b>	<b>317 902</b>	<b>313 413</b>	<b>313 413</b>	<b>315 668</b>
<b>17 Brutto driftsresultat:</b>	<b>15 033</b>	<b>1 900</b>	<b>1 900</b>	<b>9 379</b>
18 Renteinntekter og utbytte	10 404	- 500	500	440
19 Mottatte avdrag på utlån	-	-	-	-
20 Renteutgifter og låneomkostn.	-	-	-	-
21 Avdrag på lån	-	-	-	-
22 Utlån, kjøp av aksje, andeler o.l.	-	-	-	-
<b>23 Netto finansinntekter/-utgifter</b>	<b>10 404</b>	<b>- 500</b>	<b>500</b>	<b>440</b>
24 Avskrivninger	-	-	-	-
25 Motpost avskrivninger	-	-	-	-
<b>26 Netto driftsresultat</b>	<b>25 437</b>	<b>1 400</b>	<b>1 400</b>	<b>8 939</b>
<b>Interne finansieringstransaksjoner:</b>				
27 Bruk av udisponert fra tidl. år (mindreforbruk)	17 380	17 380	-	32 869
28 Bruk av disposisjonsfond	-	-	-	-
29 Bruk av bundne fond	34 149	-	-	46 319
<b>30 Sum bruk av avsetninger</b>	<b>51 529</b>	<b>17 380</b>	<b>-</b>	<b>79 188</b>
31 Avsatt til dekning fra tidligere år (underskudd)	-	-	-	-
32 Avsatt til disposisjonsfond	18 780	18 780	1 400	32 869
33 Avsatt til bundne fond	4 057	-	-	20 000
34 Overført til investeringsregnskapet	-	-	-	-
<b>35 Sum avsetninger</b>	<b>22 837</b>	<b>18 780</b>	<b>1 400</b>	<b>52 869</b>
<b>36 MERFORBRUK / MINDREFORBRUK</b>	<b>54 130</b>	<b>-</b>	<b>-</b>	<b>17 380</b>

## Rekneskapsskjema – balanserekneskapen

BALANSE	Regnskap 2024	Regnskap 2023
<b>EIENDELER:</b>		
A - Anleggsmidler		
Faste eiendommer og anlegg	-	-
Utstyr, maskiner og transportmidler	-	-
Utlån	-	-
Aksjer og andeler	-	-
B - Omløpsmidler		
Kortsiktige fordringer	97 578	5 774
Aksjer og andeler	-	-
Sertifikater	-	-
Obligasjoner	-	-
Kasse, bankinnskudd	413 061	484 741
<b>C - SUM EIENDELER:</b>	<b>510 638</b>	<b>490 516</b>
<b>EGENKAPITAL OG GJELD:</b>		
D - Egenkapital		
Disposisjonsfond	341 697	322 917
Bundne driftsfond	93 651	123 743
Ubundne investeringsfond	-	-
Bundne investeringsfond	-	-
Endring i regnskapsprinsipp som påvirker AK (investering)	-	-
Endring i regnskapsprinsipp som påvirker AK (drift)	-	-
Regnskapsmessig mindreforbruk	54 130	17 380
Regnskapsmessig merforbruk	-	-
Udisponert i investeringsregnskapet	-	-
Udekket i investeringsregnskapet	-	-
Kapitalkonto	-	-
Gjeld		
E - Langsiktig gjeld		
Ihendehaverobligasjonslån	-	-
Sertifikatlån	-	-
Andre lån	-	-
F - Kortsiktig gjeld		
Kassekredittlån	-	-
Annen kortsiktig gjeld	21 161	26 476
<b>G - SUM EGENKAPITAL OG GJELD:</b>	<b>510 638</b>	<b>490 516</b>
Memoriakonti		
Ubrukte lånemidler	-	-
Andre memoriakonti	-	-
Motkonto for memoriakontiene	-	-



## Notar til rekneskapet Ålhus sokn 2024

Soknet sitt rekneskap er ført i samsvar med Forskrift om økonomiforvaltning i sokn i Den norske kirke fastsett av barne- og familiedepartementet 08.12.2020 og god kommunal rekneskapsskikk.

### 1. Fond

*Spesifikasjon over samla avsetningar og bruk av avsetningar i rekneskapsåret, samla og for den enkelte fondstype.*

	Disposisjons fond	Bunde driftsfond	SUM: 2024
Saldo pr 01.01:	322 917	123 743	446 661
Avsetningar	18 780	4 057	22 837
Bruk av avsetningar	-	34 149	34 149
Korrigering av tidlegare års avsetjingar	-	-	-
<b>Saldo pr 31.12:</b>	<b>341 697</b>	<b>93 651</b>	<b>435 348</b>

### 2. Strykningar

*Føretekte strykningar av vedtekte avsetningar/bruk av fond, overføring drift/investering samt inndekning meirforbruk, jf. § 17*

Det er ikkje strykningar i 2024, rekneskapet er avslutta med ein mindreforbruk på kroner 54 130,-

### 3. Kapitalkonto

*Samanfattande oversikt over transaksjonar som er ført mot kapitalkontoen i løpet av rekneskapsåret.*

Det er ikkje ført noko på kapitalkonto.

Førde, 21.02.2025

Rekneskapsansvarleg  
Marius Bjørvik Solheim



Kyrkjeverje  
Sissel Vartdal

## Ålhus sokn - godkjenning av årsrekneskap 2024

### Vedlegg

Rekneskap og notar Ålhus sokn 2024

### Saksutgreiing

Vedlegget syner årsrekneskapen på heilt overordna nivå. For meir detaljar, kan ein lese rekneskapstal for 2024 og dei ulike tenesteområda, i budsjettsaka.

Rekneskapen for Ålhus sokn i 2024 gjort opp med eit saml overskot/mindreforbruk på **54 130**

Dersom vi tek utgangspunkt i «Rekneskap og notar», finn de inntektene på linje 1-10. Summen av inntekter er på 332 936. Dette ligg omtrent på budsjett.

Utgiftene finn de på linje 11-16 og syner ei samla utgiftsside på 317 902. Dette er og langt på veg i tråd med budsjett. For 2024 har vi då eit brutto driftsresultat på 15 033, altså eit overskot.

Dette overskotet aukar med 10 404 når renteinntektene blir lagt til, den inntekta finn de på linje 18. Slik får vi eit netto driftsresultat (overskot) på 25 437 (linje 26).

Mellom linje 26 og 36 ligg bruk og avsetnad til balansen (fond). Her vil de sjå at mindreforbruket frå 2023 på 17 380 kjem inn i rekneskapen som ei inntekt (linje 27), det same gjer bruk av trusopplæringsfond på 34 149 (linje 29). Til saman aukar dette driftsresultatet. Men, 22 837 av dette skal setjast av på fond; både til disposisjonsfond (fjorårets overskot) og bundne fond (til Hyrdingrøysta). Med det blir det samla overskotet til slutt på 54 130.

Overskotet/mindreforbruket vert sett på soknet sitt disposisjonsfond.

Side 2 i rekneskapsskjemaet, punkt C, syner situasjonen for sokneråda sine fond:

- Disposisjonsfond: 341 697 (før evt overføring av overskot frå 2024)
- Bundne driftsfond: 93 651 (etter bruk)

**Tilsette:**

Sokneprest Silje Sørebo til 01.10.24.

Sokneprest Geir Sørebo frå 01.09.24 – 30.05.25.

**Tilsette: Sunnfjord kyrkjelege Fellesråd**

Sissel Vartdal

Kyrkjeverje

Ingvar Vagstad

Driftleiar for Bygg og Drift

**Ålhus og Helgheim sokn:**

Rune Molvik

Kantor

Helge Årdal

Driftsjef /kyrkjetenar 90%

Gerd Sunde Førde

Trusopplærer i 20%

Silje Sørebo

Kyrkjelydspedagog 20% frå 01.09.24

Andrine Lundekvam

Trusopplærer 1-årsvikarat til 01.06.24

Aman Beyene

Kyrkjetenar Ålhus sokn, og reinhaldar i kyrkjene

Karen Elise Erikstad

Klokkar og kyrkjetenar Helgheim sokn

Solrunn Dvergsdal

Klokkar og kyrkjetenar Helgheim sokn

Stina Kjos Sunde

Klokkar Ålhus sokn til 01.04.24

Magne Kvinge

Kyrkjetenarvikar i Ålhus sokn, og ved vigsel og konsertar i Helgheim kyrkje)

Toril Øye

Sekretær i Jølster 40%

## Sluttord

Eit viktig arbeid som både soknerådet og prosten arbeider med, er å få ny prest til Jølster. Det er Bjørgvin Bispedøme og prosten som har største ansvaret, men vi kan alle hjelpe til med å reklamere for Jølster, kyrkjelyden, dei gode dugnakreftene, den flotte naturen vår og så vidare. Vi ynskjer ein ny prest hjarteleg velkommen! Det blei lyst ut soknepreststilling i 2024, utan aktuelle søkarar. Stillinga er lyst ut på nytt våren 2025.

Vi ynskjer å takke alle som bidreg for at kyrkja er ein god stad å vere. Ei stor takk til alle som har arbeidd i soknet dette året, både dei tilsette og dei som legg ned frivillig arbeid.

Kyrkja er eit opent og allsidig rom. Jesus sa; «la borna komme til meg». Det gjeld både deg, meg og nesten din. Kom til gudsteneste, kyrkjekaffi, arrangement, songkveld, kveldsmat, treff til jul og påske, konfirmantar, små babyar, til tidebøn. Kom til kyrkja i glede! Kyrkja er også der for sorg og trøyst.

Kyrkja er der for deg og vi ynskjer at alle skal kjenne at det er godt å komme til Guds hus.

Vi set pris på frammøte i kyrkja og ynskjer deg hjarteleg velkommen!  
Takk for all omsut og forbøn for kyrkja og kyrkjeleg arbeid i Ålhus sokn.

For Ålhus sokneråd –  
Annette Svidal Slåtten

